

श्रीः
श्रीमते रामानुजाय नमः
श्रीमते निगमान्तमहादेशिकाय नमः

कृष्णयजुर्वेदीय तैत्तिरीय ब्राह्मणे
॥ द्वितीयाष्टके तृतीयः प्रश्नः ॥

This document has been prepared by

Sunder Kidāmbi

with the blessings of

श्री रङ्गरामानुज महादेशिकन्

His Holiness śrīmad āṇḍavan śrīraṅgam

श्रीः
श्रीमते रामानुजाय नमः
श्रीमते निगमान्तमहादेशिकाय नमः

॥ द्वितीयाष्टके तृतीयः प्रश्नः ॥

हरिः ओ(४)म्।
ब्रह्मवादिनो वदन्ति।
किं चतुर्होतृणां चतुर्होतृत्वमिति।
यदेवेषु चतुर्धा होतारः।
तेन चतुर्होतारः।
तस्माच्चतुर्होतार उच्यन्ते।
तच्चतुर्होतृणां चतुर्होतृत्वम्।
सोमो वै चतुर्होता।
अग्निः पञ्चहोता।
धाता षड्होता।
इन्द्रः सप्तहोता ॥ 1 ॥

प्रजापतिर्दशहोता।
य एवं चतुर्होतृणामृद्धिं वेद।
ऋध्नोत्येव।
य एषामेवं बन्धुतां वेद।
बन्धुमान्भवति।

Please let us know of any errors in this text.

य ए॑षामे॒वं क्लृ॑प्तिं॒ वेद॑ ।
 कल्प॑तेऽस्मै ।
 य ए॑षामे॒वमा॒यत॑नं॒ वेद॑ ।
 आ॒यत॑नवान्भवति ।
 य ए॑षामे॒वं प्र॑ति॒ष्ठां वेद॑ ॥ 2 ॥

प्रत्ये॒व ति॑ष्ठति ।
 ब्र॒ह्म॒वा॒दि॒नो॑ वदन्ति ।
 दश॑होता॒ चतु॑र्होता ।
 पञ्च॑होता॒ षड्भो॑ता स॒प्तहो॑ता ।
 अथ॒ कस्मा॒च्चतु॑र्होतार उच्यन्त॒ इति॑ ।
 इन्द्रो॒ वै चतु॑र्होता ।
 इन्द्रः॒ खलु॒ वै श्रे॑ष्ठो॒ देव॑ता॒नामु॒पदेश॑नात् ।
 य ए॒वमिन्द्र॑ग्ग् श्रे॑ष्ठं दे॒वता॑नामु॒पदेश॑ना॒द्वेद॑ ।
 वसि॑ष्ठः॒ समा॒नाना॑ भवति ।
 तस्मा॒च्छ्रे॑ष्ठमा॒यन्तं॑ प्रथ॒मेनै॒वानु॑बुध्यन्ते ।
 अ॒यमा॑गन् ।
 अ॒यमवा॑सा॒दिति॑ ।
 की॒र्तिर॑स्य॒ पूर्वाऽऽग॑च्छति॒ ज॒नता॑मा॒यतः॑ ।
 अथो॑ ए॒नं प्रथ॑मेनै॒वानु॑बुध्यन्ते ।

अ॒य॒मा॒ग॒न् ।

अ॒य॒म॒वा॒सा॒दि॒ति ॥ ३ ॥

स॒प्त॒हो॒ता प्र॒ति॒ष्ठां वेदं॑ बु॒ध्यन्ते॒ षट्च॑ ॥ १ ॥

दक्षि॑णां प्र॒ति॒ग्रही॒ष्यन्त्स॒प्तद॑श॒कृत्वोऽपा॑न्यात् ।

आ॒त्मान॑मे॒व स॒मि॒न्धे ।

तेज॑से वी॒र्या॑य ।

अथो॑ प्र॒जाप॑तिरे॒वेना॑ भू॒त्वा प्र॒ति॑गृह्णाति ।

आ॒त्म॒नोऽना॑त्यै ।

यद्ये॑न॒मा॒र्त्वि॑ज्याद्वृ॒तग्ं स॒न्तं नि॒र्हरे॑रन्न ।

आग्नी॑ध्रे जुहु॒याद्व॑श॒हो॒तार॑म् ।

च॒तु॒र्गृ॒ही॒ते॒नाज्ये॑न ।

पु॒रस्ता॑त्प्र॒त्यङ्क्ति॑ष्ठन्न ।

प्र॒ति॒लो॒मं वि॒ग्राह॑म् ॥ ४ ॥

प्रा॒णा॒ने॒वा॒स्योप॑दासयति ।

यद्ये॑नं पु॒नरु॑प॒शिक्षे॑युः ।

आग्नी॑ध्र ए॒व जु॑हु॒याद्व॑श॒हो॒तार॑म् ।

च॒तु॒र्गृ॒ही॒ते॒नाज्ये॑न ।

प॒श्चात्प्रा॑डासी॒नः ।

अ॒नु॒लो॒मम॑वि॒ग्राह॑म् ।

प्रा॒णा॒ने॒वा॒स्मै क॑ल्पयति ।

प्रायश्चित्ती वाग्घोतेत्यृतुमुख ऋतुमुखे जुहोति।
 ऋतूनेवास्मै कल्पयति।
 कल्पन्तेऽस्मा ऋतवः ॥ 5 ॥

कृप्ता अस्मा ऋतव आयन्ति।
 षड्भौता वै भूत्वा प्रजापतिरिदं सर्वमसृजत।
 स मनोऽसृजत।
 मनसोऽधि गायत्रीमसृजत।
 तद्गायत्रीं यश आर्च्छत्।
 तामाऽलभत।
 गायत्रिया अधि छन्दाग्स्यसृजत।
 छन्दोभ्योऽधि सामं।
 तथ्सामं यश आर्च्छत्।
 तदाऽलभत ॥ 6 ॥

साम्नोऽधि यजूग्ष्यसृजत।
 यजुर्भ्योऽधि विष्णुम्।
 तद्विष्णुं यश आर्च्छत्।
 तमाऽलभत।
 विष्णोरध्योषधीरसृजत।
 ओषधीभ्योऽधि सोमम्।
 तथ्सोमं यश आर्च्छत्।

तमाऽल॑भत।

सोमा॒दधि॑ प॒शून॑सृजत।

प॒शुभ्योऽधीन्द्र॑म् ॥ 7 ॥

तदिन्द्रं॑ यशं॑ आर्च्छत्।

तदे॑नं॒ नाति॒प्राच्य॑वत।

इन्द्रं॑ इव॒ यश॒स्वी भ॑वति।

य ए॒वं वेद॑।

नैनं॑ यशोऽति॒प्रच्य॑वते।

यद्वा इ॒दं किञ्च॑।

तथ्सर्व॑मुत्तान॒ एवाङ्गी॑र॒सः प्रत्य॑गृह्णात्।

तदे॑नं॒ प्रति॑गृहीतं॒ नाहि॑नत्।

यत्किञ्च॑ प्रति॑गृह्णीयात्।

तथ्सर्व॑मुत्तान॒स्त्वाऽऽङ्गी॑र॒सः प्रति॑गृह्णा॒त्वित्ये॒व
प्रति॑गृह्णीयात्।

इ॒यं वा उ॑त्तान॒ आङ्गी॑र॒सः।

अ॒नये॑वैन॒त्प्रति॑ गृह्णाति।

नैन॑गं॒ हिन॑स्ति।

ब॒रु॒हिषा॑ प्रती॒याद्वा॑ वाऽश्वं॑ वा।

ए॒तद्वै प॑शूनां प्रि॒यं धाम॑।

प्रि॒येणै॒वैनं॑ धाम्ना॒ प्रत्ये॑ति ॥ 8 ॥

वि॒ग्राह॑मृतव॒स्तदाऽल॑भ॒तेन्द्रं॑ गृ॒ह्णीया॒थ्पट्चं॑ ॥ 2 ॥

यो वा अवि॑द्वान्नि॒व॒र्तय॑ते।
विशी॑र्षा सपा॑प्माऽमुष्मि॒न्लोके॑ भ॒वति।
अथ॒ यो वि॒द्वान्नि॒व॒र्तय॑ते।
सशी॑र्षा विपा॑प्माऽमुष्मि॒न्लोके॑ भ॒वति।
दे॒वता॒ वै स॒प्त पु॑ष्टिका॒मा न्य॑व॒र्तय॑न्त।
अ॒ग्निश्च॑ पृथि॒वी च॑।
वा॒युश्चा॒न्तरि॑क्षं च।
आ॒दि॒त्यश्च॒ द्यौश्च॑ च॒न्द्रमाः॑।
अ॒ग्नि॒र्यव॑र्तयत।
स सा॑ह॒स्रम॑पुष्यत् ॥ 9 ॥

पृथि॒वी न्य॑व॒र्तय॑त।
सौष॑धीभिर्व॒न॒स्पति॑भिरपुष्यत्।
वा॒यु॒र्यव॑र्तयत।
स म॑री॒चीभिर॑पुष्यत्।
अ॒न्तरि॑क्षं न्य॑व॒र्तय॑त।
तद्व॑यो॒भिर॑पुष्यत्।
आ॒दि॒त्यो न्य॑व॒र्तय॑त।
स र॒श्मिभिर॑पुष्यत्।
द्यौ॒र्यव॑र्तयत।

सा नक्षत्रैरपुष्यत्।
 चन्द्रमा न्यवर्तयत्।
 सोऽहोरात्रैरर्धमासैर्मासैर्ऋतुभिः
 संवत्सरेणापुष्यत्।
 तान्पोषान्पुष्यति।
 याग्स्तेऽपुष्यन्।
 य एवं विद्वान्नि च वर्तयते परि च ॥ 10 ॥

अपुष्यन्नक्षत्रैरपुष्यत्पञ्च च ॥ 3 ॥

तस्य वा अग्नेर्हिरण्यं प्रतिजग्रहुषः।
 अर्धमिन्द्रियस्यापाक्रामत्।
 तदेतेनैव प्रत्यगृह्णात्।
 तेन वै सोऽर्धमिन्द्रियस्यात्मन्नुपाधत्त।
 अर्धमिन्द्रियस्यात्मन्नुपाधत्ते।
 य एवं विद्वान् हिरण्यं प्रतिगृह्णाति।
 अथ योऽविद्वान्प्रतिगृह्णाति।
 अर्धमस्येन्द्रियस्यापक्रामति।
 तस्य वै सोमस्य वासः प्रतिजग्रहुषः।
 तृतीयमिन्द्रियस्यापाक्रामत् ॥ 11 ॥

तदेतेनैव प्रत्यगृह्णात्।
 तेन वै स तृतीयमिन्द्रियस्यात्मन्नुपाधत्त।

तृतीयमिन्द्रियस्यात्मन्नुपाधत्ते।
 य एवं विद्वान् वासः प्रतिगृह्णाति।
 अथ योऽविद्वान्प्रतिगृह्णाति।
 तृतीयमस्येन्द्रियस्यापक्रामति।
 तस्य वै रुद्रस्य गां प्रतिजग्रहुषः।
 चतुर्थमिन्द्रियस्यापक्रामत्।
 तामेतेनैव प्रत्यंगृह्णात्।
 तेन वै स चतुर्थमिन्द्रियस्यात्मन्नुपाधत्त ॥ 12 ॥

चतुर्थमिन्द्रियस्यात्मन्नुपाधत्ते।
 य एवं विद्वान्गां प्रतिगृह्णाति।
 अथ योऽविद्वान्प्रतिगृह्णाति।
 चतुर्थमस्येन्द्रियस्यापक्रामति।
 तस्य वै वरुणस्याश्वं प्रतिजग्रहुषः।
 पञ्चममिन्द्रियस्यापक्रामत्।
 तमेतेनैव प्रत्यंगृह्णात्।
 तेन वै स पञ्चममिन्द्रियस्यात्मन्नुपाधत्त।
 पञ्चममिन्द्रियस्यात्मन्नुपाधत्ते।
 य एवं विद्वानश्वं प्रतिगृह्णाति ॥ 13 ॥

अथ योऽविद्वान्प्रतिगृह्णाति।
 पञ्चममस्येन्द्रियस्यापक्रामति।

तस्य वै प्रजापतेः पुरुषं प्रतिजग्रहुषः।
 षष्ठमिन्द्रियस्यापाक्रामत्।
 तमेतेनैव प्रत्यंगृह्णात्।
 तेन वै स षष्ठमिन्द्रियस्यात्मन्नुपाधत्त।
 षष्ठमिन्द्रियस्यात्मन्नुपाधत्ते।
 य एवं विद्वान्पुरुषं प्रतिगृह्णाति।
 अथ योऽविद्वान्प्रतिगृह्णाति।
 षष्ठमस्येन्द्रियस्यापक्रामति ॥ 14 ॥

तस्य वै मनोस्तल्पं प्रतिजग्रहुषः।
 सप्तममिन्द्रियस्यापाक्रामत्।
 तमेतेनैव प्रत्यंगृह्णात्।
 तेन वै स सप्तममिन्द्रियस्यात्मन्नुपाधत्त।
 सप्तममिन्द्रियस्यात्मन्नुपाधत्ते।
 य एवं विद्वाग्स्तल्पं प्रतिगृह्णाति।
 अथ योऽविद्वान्प्रतिगृह्णाति।
 सप्तममस्येन्द्रियस्यापक्रामति।
 तस्य वा उक्तानस्याङ्गीरसस्याप्राणत्प्रतिजग्रहुषः।
 अष्टममिन्द्रियस्यापाक्रामत् ॥ 15 ॥

तदेतेनैव प्रत्यंगृह्णात्।
 तेन वै सोऽष्टममिन्द्रियस्यात्मन्नुपाधत्त।

अ॒ष्ट॒ममिन्द्रि॒यस्या॒त्मन्नु॒पाध॑त्ते ।
 य ए॒वं वि॒द्वानप्रा॑णत्प्रतिगृह्णाति ।
 अथ॒ योऽवि॑द्वान्प्रतिगृह्णाति ।
 अ॒ष्ट॒मम॑स्येन्द्रि॒यस्याप॑क्रामति ।
 यद्वा इ॒दं किञ्च॑ ।
 तथ्सर्व॑मुत्तान ए॒वाङ्गी॑र॒सः प्रत्य॑गृह्णात् ।
 तदे॒नं प्रति॑गृहीतं नाहि॑नत् ।
 यत्किञ्च॑ प्रतिगृह्णीयात् ।
 तथ्सर्व॑मुत्तानस्त्वाँऽऽङ्गी॑र॒सः प्रति॑गृह्णात्वित्ये॒व
 प्रति॑गृह्णीयात् ।
 इ॒यं वा उ॑त्तान आ॒ङ्गीर॑सः ।
 अ॒नये॑वैन॒त्प्रति॑गृह्णाति ।
 नैन॑ग्ं हि॒नस्ति ॥ 16 ॥

तृती॑यमिन्द्रि॒यस्याप॑क्रामच्चतु॒र्थमिन्द्रि॒यस्या॒त्मन्नु॒पाध॑त्ताश्च॑ प्रतिगृह्णाति
 ष॒ष्ठम॑स्येन्द्रि॒यस्याप॑क्रामत्यष्ट॒ममिन्द्रि॒यस्याप॑क्रामत्प्रतिगृह्णीयाच्च॒त्वारि॑ च ॥ 4 ॥

तस्य॑ वा अ॒ग्नेर्हि॑र॒ण्यग्ं॑ सोम॑स्य॒ वास॑स्तदे॒तेन॒ रु॒द्रस्य॑
 गां॑ तामे॒तेन॒ वरु॑ण॒स्याश्च॑ प्र॒जाप॑तेः पुरु॑षं॒ मनो॑स्तल्पं
 तमे॒तेनो॑त्तानस्य॒ तदे॒तेनाप्रा॑ण॒द्यद्वै॑ ।
 अ॒र्धं तृती॑यमष्ट॒मं तच्च॑तु॒र्थं तां प॑ञ्चम॒ग्ं ष॒ष्ठग्ं सं॑प्त॒मं तम् ।
 तदे॒तेन॒ द्वे तामे॒तेनै॒कं तमे॒तेन॒ त्रीणि॑ तदे॒तेनै॒कम् ॥

ब्रह्मवादिनो वदन्ति।
यद्दशहोतारः सत्रमासत।
केन ते गृहपतिनाऽऽर्धुवन्।
केन प्रजा असृजन्तेति।
प्रजापतिना वै ते गृहपतिनाऽऽर्धुवन्।
तेन प्रजा असृजन्त।
यच्चतुरहोतारः सत्रमासत।
केन ते गृहपतिनाऽऽर्धुवन्।
केनौषधीरसृजन्तेति।
सोमेन वै ते गृहपतिनाऽऽर्धुवन् ॥ 17 ॥

तेनौषधीरसृजन्त।
यत्पञ्चहोतारः सत्रमासत।
केन ते गृहपतिनाऽऽर्धुवन्।
केनैभ्यो लोकेभ्योऽसुरान्प्राणुदन्त।
केनैषां पशूनवृञ्जतेति।
अग्निना वै ते गृहपतिनाऽऽर्धुवन्।
तेनैभ्यो लोकेभ्योऽसुरान्प्राणुदन्त।
तेनैषां पशूनवृञ्जत।
यथ्षड्वौतारः सत्रमासत।
केन ते गृहपतिनाऽऽर्धुवन् ॥ 18 ॥

के॒न॒तू॒न॑क॒ल्प॒य॒न्ते॒ति॑ ।
 धा॒त्रा वै ते गृ॒हप॑तिनाऽऽर्धु॒वन् ।
 ते॒न॒तू॒न॑क॒ल्प॒य॒न्त ।
 यथ्स॒प्तहो॑तारः स॒त्रमा॑संत ।
 के॒न॒ ते गृ॒हप॑तिनाऽऽर्धु॒वन् ।
 के॒न॒ सु॒व॑रायन् ।
 के॒ने॒मा॒न्लो॒का॒न्ध॒स॒म॒त॒न्व॒न्निति॑ ।
 अ॒र्य॒म्णा वै ते गृ॒हप॑तिनाऽऽर्धु॒वन् ।
 ते॒न॒ सु॒व॑रायन् ।
 ते॒ने॒मा॒न्लो॒का॒न्ध॒स॒म॒त॒न्व॒न्निति॑ ॥ 19 ॥

ए॒ते वै दे॒वा गृ॒हप॑तयः ।
 ता॒न् य ए॒वं वि॒द्वान् ।
 अ॒प्य॒न्यस्य॑ गा॒र्हप॑ते दीक्ष॑ते ।
 अ॒वा॒न्त॒रमे॒व स॒त्त्रिणा॑मृ॒ध्नोति॑ ।
 यो वा अ॑र्य॒मणं॑ वेद॑ ।
 दान॑कामा अस्मै प्र॒जा भ॑वन्ति ।
 य॒ज्ञो वा अ॑र्य॒मा ।
 आ॒र्या॑व॒सति॑रिति॒ वै तमा॑हु॒र्यं प्र॒शग्ं॑सन्ति ।
 आ॒र्या॑व॒सति॑र्भवति ।
 य ए॒वं वेद॑ ॥ 20 ॥

यद्वा इ॒दं किञ्च॑ ।
 तथ्सर्वं॑ चतु॑र्होतारः ।
 चतु॑र्होतृ॒भ्योऽधि॑ य॒ज्ञो निर्मितः॑ ।
 स य ए॒वं वि॒द्वान् वि॒वदे॑त ।
 अ॒हमे॒व भूयो॑ वेद ।
 यश्चतु॑र्होतृन् वेदेति॑ ।
 स ह्ये॒व भूयो॑ वेद ।
 यश्चतु॑र्होतृन् वेद ।
 यो वै चतु॑र्होतृणा॒गुं होतृ॑न् वेद ।
 सर्वासु॑ प्र॒जास्वन्न॑मत्ति ॥ 21 ॥

सर्वा॑ दि॒शोऽभि॑जयति ।
 प्र॒जाप॑तिर्वे॒ दश॑होतृणा॒गुं होता॑ ।
 सोम॑श्चतु॑र्होतृणा॒गुं होता॑ ।
 अ॒ग्निः प॑श्चहोतृणा॒गुं होता॑ ।
 धा॒ता ष॑ड्भोतृणा॒गुं होता॑ ।
 अ॒र्य॒मा स॒प्तहो॑तृणा॒गुं होता॑ ।
 ए॒ते वै चतु॑र्होतृणा॒गुं होता॑रः ।
 तान् य ए॒वं वेद॑ ।
 सर्वासु॑ प्र॒जास्वन्न॑मत्ति ।
 सर्वा॑ दि॒शोऽभि॑जयति ॥ 22 ॥

आ॒र्ध्नु॒व॒न्ना॒र्ध्नु॒व॒न्नित्ये॒वं वेदा॑न्ति॒ सर्वा॑ दि॒शो॒भि ज॑यति ॥ 5 ॥

वै तेन॑ स॒त्रं केन॑ ॥

प्र॒जाप॑तिः प्र॒जाः सृ॒ष्ट्वा व्य॑स्रगंसत।
स हृद॑यं भू॒तोऽश॑यत्।
आत्म॑न् हा(३) इत्यह्व॑यत्।
आपः॑ प्रत्य॑शृण्वन्।
ता अ॑ग्निहो॒त्रेणै॒व य॑ज्ञ॒क्र॒तुनो॑प॒पर्या॑वर्तन्त।
ताः कु॑सिन्धु॒मुपौ॑हन्।
तस्मा॑दग्निहो॒त्रस्य॑ य॒ज्ञ॒क्र॒तोः।
एकं॑ ऋ॒त्विक्।
च॒तुष्कृ॑त्वोऽह्व॑यत्।
अ॒ग्निर्वा॒युरा॑दित्यश्च॒न्द्रमाः॑ ॥ 23 ॥

ते प्रत्य॑शृण्वन्।
ते द॑र्शपूर्णमा॒साभ्या॑मे॒व
य॑ज्ञ॒क्र॒तुनो॑प॒पर्या॑वर्तन्त।
त उपौ॑हग्श्च॒त्वार्य॑ङ्गानि।
तस्मा॑द्दर्शपूर्णमा॒सयो॑र्य॒ज्ञ॒क्र॒तोः।
च॒त्वारं॑ ऋ॒त्विजः॑।
प॒ञ्चकृ॑त्वोऽह्व॑यत्।
प॒शवः॑ प्रत्य॑शृण्वन्।

ते चा॑तुर्मा॒स्यैरे॒व य॑ज्ञ॒क्र॒तु॒नोप॑प॒र्या॒व॒र्त॒न्त॑ ।
 त उपौ॑ह॒न्लोमं॑ छु॒वीं मा॒गुं॒सम॑स्थिं म॒ज्जान॑म् ।
 तस्मा॑च्चातुर्मा॒स्यानां॑ य॒ज्ञ॒क्र॒तोः ॥ 24 ॥

पञ्च॒त्विजः॑ ।

ष॒ट्कृ॒त्वोऽह्य॑त् ।

ऋ॒तवः॑ प्रत्य॑शृण्वन् ।

ते प॑शुब॒न्धेनै॒व य॑ज्ञ॒क्र॒तु॒नोप॑प॒र्या॒व॒र्त॒न्त॑ ।

त उपौ॑ह॒न्त्स्तना॑वा॒ण्डौ शि॒श्रमवा॑ञ्चं प्रा॒णम् ।

तस्मा॑त्पशुब॒न्धस्य॑ य॒ज्ञ॒क्र॒तोः ।

षड्॒त्विजः॑ ।

स॒प्त॒कृ॒त्वोऽह्य॑त् ।

हो॒त्राः प्रत्य॑शृण्वन् ।

ताः सौ॒म्येनै॒वाध्व॑रेण॑ य॒ज्ञ॒क्र॒तु॒नोप॑प॒र्या॒व॒र्त॒न्त॑ ॥ 25 ॥

ता उपौ॑ह॒न्त्सप्त॑शी॒र्ष॒ण्यान्प्रा॒णान् ।

तस्मा॑त्सौ॒म्यस्या॑ध्व॒रस्य॑ य॒ज्ञ॒क्र॒तोः ।

स॒प्त हो॒त्राः प्राची॑र्वष॒ट्कुर्व॑न्ति ।

द॒श॒कृ॒त्वोऽह्य॑त् ।

तपः॑ प्रत्य॑शृणोत् ।

तत्कर्म॑णै॒व सं॑वत्स॒रेण॑

सर्वै॑र्य॒ज्ञ॒क्र॒तुभि॒रुप॑प॒र्या॒व॒र्त॒त॑ ।

तथ्सर्वमात्मानमपरिवर्गमुपौहत् ।
 तस्मात्संवत्सरे सर्वे यज्ञक्रतवोऽवरुध्यन्ते ।
 तस्माद्दशहोता चतुर्होता ।
 पञ्चहोता षड्होता सप्तहोता ।
 एकहोत्रे बलिगं हरन्ति ।
 हरन्त्यस्मै प्रजा बलिम् ।
 ऐनमप्रतिख्यातं गच्छति ।
 य एवं वेद ॥ 26 ॥

चन्द्रमाश्चातुर्मास्यानां यज्ञक्रतोरध्वरेण यज्ञक्रतुनोप
 पर्यावर्तन्त सप्तहोता चत्वारि च ॥ 6 ॥

प्रजापतिः पुरुषमसृजत ।
 सोऽग्निरब्रवीत् ।
 ममायमन्नमस्त्विति ।
 सोऽबिभेत् ।
 सर्वं वै माऽयं प्रधक्ष्यतीति ।
 स एताग्श्चतुर्होतृनात्मस्पर्णानपश्यत् ।
 तानंजुहोत् ।
 तैर्वै स आत्मानमस्पृणोत् ।
 यदग्निहोत्रं जुहोति ।
 एकहोतारमेव तद्यज्ञक्रतुमाप्रोत्यग्निहोत्रम् ॥ 27 ॥

कु॒सि॒न्धं चा॒ऽऽत्म॑नः॒ स्पृ॒णोति॑ ।
 आ॒दि॒त्यस्य॑ च॒ सायु॑ज्यं गच्छति ।
 च॒तुरु॑न्नयति ।
 चतु॑र्होतारमे॒व तद्य॑ज्ञक्र॒तुमा॑प्रोति दर्शपूर्णमा॒सौ ।
 च॒त्वारि॑ चा॒त्मनो॑ऽङ्गानि स्पृ॒णोति॑ ।
 आ॒दि॒त्यस्य॑ च॒ सायु॑ज्यं गच्छति ।
 च॒तुरु॑न्नयति ।
 स॒मित्प॑श्चमी ।
 पश्च॑होतारमे॒व तद्य॑ज्ञक्र॒तुमा॑प्रोति चातुर्मा॒स्यानि॑ ।
 लोमं॑ छ॒वीं मा॒गुंस॑मस्थिं म॒ज्जान॑म् ॥ 28 ॥

तानि॑ चा॒त्मनः॑ स्पृ॒णोति॑ ।
 आ॒दि॒त्यस्य॑ च॒ सायु॑ज्यं गच्छति ।
 च॒तुरु॑न्नयति ।
 द्वि॒र्जु॑होति ।
 षड्द्वौ॑तारमे॒व तद्य॑ज्ञक्र॒तुमा॑प्रोति पशुब॒न्धम् ।
 स्तना॑वा॒ण्डौ शि॒श्रमवा॑श्चं प्रा॒णम् ।
 तानि॑ चा॒त्मनः॑ स्पृ॒णोति॑ ।
 आ॒दि॒त्यस्य॑ च॒ सायु॑ज्यं गच्छति ।
 च॒तुरु॑न्नयति ।
 द्वि॒र्जु॑होति ॥ 29 ॥

स॒मि॒ध्सं॒स॒मी॒ ।
 स॒प्त॒हो॑तारमे॒व तद्य॑ज्ञ॒क्र॒तुमा॑प्रोति सौ॒म्यम॑ध्व॒रम् ।
 स॒प्त चा॒त्मनः॑ शी॒र्ष॒ण्या॑न्प्रा॒णान्स्पृ॑णोति ।
 आ॒दि॒त्यस्य॑ च॒ सायु॑ज्यं गच्छति ।
 च॒तुरु॑न्नयति ।
 द्वि॒र्जु॒होति॑ ।
 द्वि॒र्निमा॑र्ष्टि ।
 द्विः प्राश्ना॑ति ।
 दश॑होतारमे॒व तद्य॑ज्ञ॒क्र॒तुमा॑प्रोति संव॒त्सर॑म् ।
 सर्वं॑ चा॒त्मान॑म॒परि॑वर्गग् स्पृ॒णोति॑ ।
 आ॒दि॒त्यस्य॑ च॒ सायु॑ज्यं गच्छति ॥ 30 ॥

अ॒ग्नि॒हो॒त्रं म॒ज्जानं॑ द्वि॒र्जु॒होत्य॑परि॒वर्ग॑ग् स्पृ॒णोत्येकं॑ च ॥ 7 ॥

(अपक्रामत गर्भिण्यः)

प्र॒जाप॑तिरकामयत् प्रजा॑ये॒येति॑ ।
 स तपो॑ऽतप्यत ।
 सो॑ऽन्तर्वा॑नभवत् ।
 स हरि॑तः श्यावो॑ऽभवत् ।
 तस्मा॑त्स्त्र्य॑न्तर्व॒त्नी ।
 हरि॑णी स॒ती श्या॒वा भ॑वति ।
 स वि॒जाय॑मानो गर्भे॑णाताम्यत् ।

स तान्तः कृष्णः श्यावोऽभवत्।
 तस्मात्तान्तः कृष्णः श्यावो भवति।
 तस्यासुरेवाजीवत् ॥ 31 ॥

तेनासुनाऽसुरानसृजत।
 तदसुराणामसुरत्वम्।
 य एवमसुराणामसुरत्वं वेद।
 असुमानेव भवति।
 नैनमसुर्जहाति।
 सोऽसुरान्थसृष्ट्वा पितेवामन्यत।
 तदनु पितृन्सृजत।
 तत्पितृणां पितृत्वम्।
 य एवं पितृणां पितृत्वं वेद।
 पितेवैव स्वानां भवति ॥ 32 ॥

यन्त्यस्य पितरो हवाम्।
 स पितृन्थसृष्ट्वाऽमनस्यत्।
 तदनु मनुष्यान्सृजत।
 तन्मनुष्याणां मनुष्यत्वम्।
 य एवं मनुष्याणां मनुष्यत्वं वेद।
 मनस्व्येव भवति।
 नैनं मनुर्जहाति।

तस्मै॑ म॒नु॒ष्या॑न्त्स॒सृ॒जा॒नाय॑ ।
दि॒वा॑ दे॒व॒त्रा॑ऽभ॒वत् ।
तद॒नु॑ दे॒वान॑सृ॒जत॑ ।
तद्दे॒वानां॑ दे॒व॒त्वम् ।
य ए॒वं दे॒वानां॑ दे॒व॒त्वं वेद॑ ।
दि॒वा॑ है॒वा॒स्य॑ दे॒व॒त्रा॑ भ॒वति॑ ।
ता॒नि॒ वा ए॒तानि॑ च॒त्वार्य॑म्भा॒ग्सि॑ ।
दे॒वा म॑नु॒ष्याः॑ पि॒तरो॑ऽसु॒राः ।
तेषु॑ स॒र्वेष्व॑म्भो॒ नभ॑ इव भवति ।
य ए॒वं वेद॑ ॥ 33 ॥

अ॒जी॒व॒त्स्वानां॑ भवति दे॒वान॑सृ॒जत॑ स॒प्त च॑ ॥ 8 ॥

(यथास्थानं गर्भिण्यः)

ब्र॒ह्म॒वा॒दि॒नो॑ वदन्ति ।
यो वा इ॒मं वि॒द्यात् ।
यतो॑ऽयं प॒वते॑ ।
यद॑भि॒प॒वते॑ ।
यद॑भि॒स॒म्प॒वते॑ ।
सर्व॑मायु॒रियात् ।
न पु॒राऽऽयु॑षः प्र॒मी॑येत ।
प॒शु॒मा॒न्त्स्यात् ।

वि॒न्दे॑त॒ प्र॒जा॒म्।
यो वा इ॒मं वेद॑ ॥ 34 ॥

यतो॒ऽयं प॑वते।
यद॑भि॒प॒व॑ते।
यद॑भि॒स॒म्प॑वते।
सर्व॑मायु॒रेति॑।
न पु॒राऽऽयु॑षः प्र॒मी॑यते।
प॒शु॒मा॒न्भ॑वति।
वि॒न्दे॑त॒ प्र॒जा॒म्।
अ॒द्भ्यः॑ प॑वते।
अ॒पो॑ऽभि॒प॑वते।
अ॒पो॑ऽभि॒स॒म्प॑वते ॥ 35 ॥

अ॒स्याः॑ प॑वते।
इ॒मा॒म॒भि॒प॑वते।
इ॒मा॒म॒भि॒स॒म्प॑वते।
अ॒ग्नेः॑ प॑वते।
अ॒ग्नि॒म॒भि॒प॑वते।
अ॒ग्नि॒म॒भि॒स॒म्प॑वते।
अ॒न्तरि॑क्षात्पवते।
अ॒न्तरि॑क्ष॒म॒भि॒प॑वते।

अ॒न्तरि॑क्ष॒म॒भिस॑म्प॒वते॑ ।

आ॒दि॒त्यात्प॑वते ॥ 36 ॥

आ॒दि॒त्य॒म॒भिप॑वते ।

आ॒दि॒त्य॒म॒भिस॑म्प॒वते॑ ।

द्योः प॑वते ।

दि॒वं॒म॒भिप॑वते ।

दि॒वं॒म॒भिस॑म्प॒वते॑ ।

दि॒ग्भ्यः॑ प॑वते ।

दि॒शोऽ॒भिप॑वते ।

दि॒शोऽ॒भिस॑म्प॒वते॑ ।

स यत्पु॒रस्ता॒द्वाति॑ ।

प्रा॒ण ए॒व भू॒त्वा पु॒रस्ता॑द्वाति ॥ 37 ॥

तस्मा॑त्पु॒रस्ता॒द्धान्त॑म् ।

सर्वाः॑ प्र॒जाः प्रति॑नन्दन्ति ।

प्रा॒णो हि प्रि॒यः प्र॒जाना॑म् ।

प्रा॒ण इ॒व प्रि॒यः प्र॒जाना॑ भवति ।

य ए॒वं वेद॑ ।

स वा ए॒ष प्रा॒ण ए॒व ।

अथ॒ यद्दक्षि॑णतो वाति ।

मा॒तरि॑श्चै॒व भू॒त्वा दक्षि॑णतो वाति ।

तस्माद्दक्षिणतो वान्तं विद्यात्।
सर्वा दिश आवाति ॥ 38 ॥

सर्वा दिशोऽनुविवाति।
सर्वा दिशोऽनुसंवातीति।
स वा एष मातरिश्चैव।
अथ यत्पश्चाद्वाति।
पवमान एव भूत्वा पश्चाद्वाति।
पूतमस्मा आहरन्ति।
पूतमुपहरन्ति।
पूतमश्नाति।
य एवं वेद।
स वा एष पवमान एव ॥ 39 ॥

अथ यदुत्तरतो वाति।
सवितैव भूत्वोत्तरतो वाति।
सवितैव स्वानां भवति।
य एवं वेद।
स वा एष संवितैव।
ते य एनं पुरस्तादायन्तमुपवदन्ति।
य एवास्यं पुरस्तात्पाप्मानः।
ताग्स्तेऽपघ्नन्ति।

पुरस्तादितरान्पाप्मनः सचन्ते।
अथ य एनं दक्षिणत आयन्तमुपवदन्ति ॥ 40 ॥

य एवास्यं दक्षिणतः पाप्मानः।
ताग्स्तेऽपघ्नन्ति।
दक्षिणत इतरान्पाप्मनः सचन्ते।
अथ य एनं पश्चादायन्तमुपवदन्ति।
य एवास्यं पश्चात्पाप्मानः।
ताग्स्तेऽपघ्नन्ति।
पश्चादितरान्पाप्मनः सचन्ते।
अथ य एनमुत्तरत आयन्तमुपवदन्ति।
य एवास्योत्तरतः पाप्मानः।
ताग्स्तेऽपघ्नन्ति ॥ 41 ॥

उत्तरत इतरान्पाप्मनः सचन्ते।
तस्मादेवं विद्वान्।
वीवं नृत्येत्।
प्रेवं चलेत्।
व्यस्यैवाक्ष्यौ भाषेत।
मण्टयेदिव।
क्राथयेदिव।
शृङ्गायेतेव।

उ॒त मो॑प॒वदे॑युः।
 उ॒त मे॑ पा॒प्मान॒मप॑हन्युरिति॑।
 स यां दि॑शग्ं स॒निमे॒ष्यन्थ॑स्यात्।
 य॒दा तां दि॑शं वा॒तो वा॒यात्।
 अथ॑ प्र॒वेया॑त्।
 प्र वा॑ धावयेत्।
 सा॒तमे॒व र॑दि॒तं व्यू॑ढं ग॒न्धम॒भि प्र॑च्य॒वते॑।
 आऽस्य॑ तं ज॒नप॒दं पूर्वा॑ की॒र्तिर्ग॑च्छति।
 दान॑कामा अस्मै प्र॒जा भ॑वन्ति।
 य ए॒वं वेद॑ ॥ 42 ॥

वेद॑ सम्प॒वत आ॑दि॒त्यात्प॑वते वा॒त्यावा॑त्येष॒ पव॑मान ए॒व
 दक्षि॑णत आ॒यन्त॑मुप॒ वद॑न्त्युत्तर॒तः
 पा॒प्मान॒स्ताग्ंस्तेऽप॑घ्नन्तीत्यु॒ष्टौ च॑ ॥ 9 ॥

प्र॒जाप॑तिः सोम॒ग्ं राजा॑नमसृजत।
 तं त्रयो॑ वेदा॒ अन्व॑सृज्यन्त।
 तान् ह॑स्तेऽकुरुत।
 अथ॑ ह सी॒ता सा॑वि॒त्री।
 सोम॒ग्ं राजा॑नं चकमे।
 श्र॒द्धामु॑ स च॒कमे॑।
 सा ह॑ पि॒तरं॑ प्र॒जाप॑ति॒मुप॑ससार।
 तग्ं॑ होवाच।

नमस्ते अस्तु भगवः।

उप त्वाऽयानि ॥ 43 ॥

प्र त्वां पद्ये।

सोमं वै राजानं कामये।

श्रद्धामु स कामयतु इति।

तस्यां उ ह स्थांगरमलङ्कारं कल्पयित्वा।

दशहोतारं पुरस्ताद्व्याख्याय।

चतुर्होतारं दक्षिणतः।

पञ्चहोतारं पश्चात्।

षड्होतारमुत्तरतः।

सप्तहोतारमुपरिष्ठात्।

सम्भारैश्च पत्निभिश्च मुखेऽलङ्कृत्य ॥ 44 ॥

आऽस्यार्धं वव्राज।

ताग्ं होदीक्ष्योवाच।

उप माऽऽवर्तस्वेति।

तग्ं होवाच।

भोगं तु म् आचक्ष्व।

एतन्म आचक्ष्व।

यत्ते पाणाविति।

तस्यां उ ह त्रीन् वेदान्प्रददौ।

तस्मा॒दु ह॒ स्त्रियो॒ भोग॒मैव हा॑रयन्ते।
स यः का॒मये॑त प्रि॒यः स्या॒मिति॑ ॥ 45 ॥

यं वा॑ का॒मये॑त प्रि॒यः स्या॒दिति॑।
तस्मा॑ ए॒तग्ग् स्था॑ग॒रम॑लङ्का॒रं क॑ल्पयित्वा।
दश॑होतारं पुरस्ता॑द्व्या॒ख्याय॑।
चतु॑र्होतारं दक्षिण॒तः।
पञ्च॑होतारं प॒श्चात्।
षड्दो॑तारमुत्तर॒तः।
सप्त॑होतारमुपरि॒ष्टात्।
स॒म्भारै॑श्च॒ पत्नि॑भिश्च॒ मुखे॑ऽलङ्कृत्य॑।
आऽस्या॑र्धं व्र॑जेत्।
प्रि॒यो ह॒व भ॑वति ॥ 46 ॥

अ॒या॒न्य॒लङ्कृत्य॑ स्या॒मिति॑ भवति ॥ 10 ॥

ब्रह्मा॑त्म॒न्वद॑सृजत।
तद॑कामयत।
समा॒त्मना॑ पद्ये॒येति॑।
आत्म॒न्नात्म॒न्नित्या॑मन्त्रयत।
तस्मै॑ दश॒मग्ं हू॑तः प्रत्य॑शृणोत्।
स दश॑हूतोऽभवत्।
दश॑हूतो ह॒ वै नामै॒षः।

तं वा ए॒तं द॒शहू॒त॒गुं स॒न्त॑म् ।
 द॒शहो॒तेत्याच॑क्षते प॒रोक्षे॑ण ।
 प॒रोक्ष॑प्रिया इ॒व हि दे॒वाः ॥ 47 ॥

आ॒त्म॒न्ना॒त्म॒न्नित्या॑मन्त्रयत ।
 तस्मै॑ स॒प्त॒म॒गुं हू॒तः प्र॒त्य॑शृणोत् ।
 स स॒प्तहू॑तोऽभवत् ।
 स॒प्तहू॑तो ह॒ वै ना॒मैषः॑ ।
 तं वा ए॒त॒गुं स॒प्तहू॑त॒गुं स॒न्त॑म् ।
 स॒प्तहो॒तेत्याच॑क्षते प॒रोक्षे॑ण ।
 प॒रोक्ष॑प्रिया इ॒व हि दे॒वाः ।
 आ॒त्म॒न्ना॒त्म॒न्नित्या॑मन्त्रयत ।
 तस्मै॑ ष॒ष्ठ॒गुं हू॒तः प्र॒त्य॑शृणोत् ।
 स ष॒ड्भू॑तोऽभवत् ॥ 48 ॥

ष॒ड्भू॑तो ह॒ वै ना॒मैषः॑ ।
 तं वा ए॒त॒गुं ष॒ड्भू॑त॒गुं स॒न्त॑म् ।
 ष॒ड्भू॑तेत्याच॑क्षते प॒रोक्षे॑ण ।
 प॒रोक्ष॑प्रिया इ॒व हि दे॒वाः ।
 आ॒त्म॒न्ना॒त्म॒न्नित्या॑मन्त्रयत ।
 तस्मै॑ प॒ञ्च॒म॒गुं हू॒तः प्र॒त्य॑शृणोत् ।
 स प॒ञ्च॑हूतोऽभवत् ।

पञ्च॑ह॒तो ह॒ वै नामै॒षः।
 तं वा ए॒तं पञ्च॑ह॒त॒गुं सन्त॑म्।
 पञ्च॑हो॒तेत्याच॑क्षते प॒रोक्षे॑ण ॥ 49 ॥

प॒रोक्ष॑प्रि॒या इव॒ हि दे॒वाः।
 आ॒त्म॒न्ना॒त्म॒न्नित्या॑मन्त्रयत।
 तस्मै॑ चतु॒र्थ॒गुं हू॒तः प्रत्य॑शृणोत्।
 स चतु॑र्हूतोऽभवत्।
 चतु॑र्हूतो ह॒ वै नामै॒षः।
 तं वा ए॒तं चतु॑र्हू॒त॒गुं सन्त॑म्।
 चतु॑र्हो॒तेत्याच॑क्षते प॒रोक्षे॑ण।
 प॒रोक्ष॑प्रि॒या इव॒ हि दे॒वाः।
 तम॑ब्रवीत्।
 त्वं वै मे॒ नेदि॑ष्ठ॒गुं हू॒तः प्रत्य॑श्रौषीः।
 त्वयै॑नानाख्या॒तार॒ इति॑।
 तस्मा॒न्नु है॑ना॒गुश्चतु॑र्हो॒तार॒ इत्याच॑क्षते।
 तस्मा॑च्छुश्रूषुः पु॒त्राणा॑गुं हृद्य॑तमः।
 नेदि॑ष्ठो हृद्य॑तमः।
 नेदि॑ष्ठो ब्रह्म॑णो भवति।
 य ए॒वं वेद॑ ॥ 50 ॥

दे॒वाः षड्भू॑तोऽभव॒त्पञ्च॑हो॒तेत्याच॑क्षते प॒रोक्षे॑णाश्रौषीः षट्च॑ ॥ 11 ॥

ब्रह्मवादिनः किं दक्षिणां यो वा अविद्वान्तस्य वै
ब्रह्मवादिनो यद्दशहोतारः प्रजापतिर्व्यस्रं प्रजापतिः
पुरुषं प्रजापतिरकामयत् स तपः
सोऽन्तर्वान्ब्रह्मवादिनो यो वा इमं विद्यात्प्रजापतिः
सोमगुं राजानं ब्रह्मात्मन्वदेकादश ॥ 11 ॥

ब्रह्मवादिनस्तस्य वा अग्नेर्यद्वा इदं किञ्च
प्रजापतिरकामयत् सोऽन्तर्वान्य एवास्य
दक्षिणतः पञ्चाशत् ॥ 50 ॥

ब्रह्मवादिनो य एवं वेद ॥

॥ हरिः ओ(३)म् ॥

॥ इति कृष्णयजुर्वेदीय तैत्तिरीय ब्राह्मणे द्वितीयाष्टके तृतीयः प्रश्नः समाप्तः ॥